

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
 妙覺-普光明殿



二. 十住 – 忉利天宮

佛昇須彌頂品

菩薩雲集妙勝殿上說偈品

菩薩十住品

梵行品

初發心菩薩功德品

明法品



華嚴經明法品之菩薩修法及次第之一

東北方——精進慧菩薩問兩種修法	修法原則 (云何用心與根本智相應)		爾時，精進慧菩薩問法慧菩薩言：
			佛子！初發心菩薩成就如是無量功德之藏，以大莊嚴而自莊嚴，乘一切智乘，入菩薩離生道，遠離世間，志求正覺。諸佛所住，皆以得住，決定成就無上菩提。
			彼菩薩摩訶薩云何修習功德轉勝，令諸如來皆悉歡喜，具足菩薩所住功德，清淨之行，大願成滿，得菩薩藏，隨其所應而化度之，已能不捨諸波羅蜜，隨所請眾生皆悉度脫，興隆三寶，永使不絕，一切所為善根境界諸行方便，皆悉不虛？善哉！佛子！當為我等演說此法，願樂欲聞。
	令佛歡喜速入諸地所行清淨滿足大願	佛	如諸菩薩所修功德，滅除癡闇、降伏眾魔、制諸外道、離於塵垢、
		法	具足成就一切功德，究竟永離惡道諸難。
		僧	具足清淨甚深智慧，菩薩一切諸地功德，諸波羅蜜。三昧總持，六通三明，清淨之法，
		精進	莊嚴一切諸佛世界，具足相好，微妙音聲，清淨心行，一切如來力無所畏，十八不共，薩婆若智。
		禪定	具足佛刹，隨成熟眾生，隨時，隨根，無量佛事及諸菩薩無量功德，菩薩正法，菩薩所行，菩薩之道，菩薩境界皆悉滿足，
		般若	速成如來。一切諸佛無量法藏，悉能守護。
		方便	分別廣說，開示顯現，眾魔外道所不能壞，攝持正法而無窮盡，
		願	於一切世界悉能演說。天王、龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、人王、梵王、諸佛法王，皆悉守護此菩薩摩訶薩。
		力	一切世間恭敬供養、尊重讚歎，常為諸佛之所護念。一切菩薩皆亦愛敬，
		智	得善根力、增長白法，能開諸佛甚深法藏，以大正法而自莊嚴，
			次第演說菩薩所行。
			爾時，精進慧菩薩欲重宣此義，以偈頌曰：
	精進慧菩薩說偈重宣	總說	善哉願說大乘法，菩薩所成諸功德，深入廣大無量行，具足清淨無師智。
		佛	若有菩薩初發心，成就功德智慧乘，入離生道出世間，決定疾得佛菩提。
		法	云何於佛正法中，修習功德轉增勝，令諸如來悉歡喜，佛所住地而得住？
		僧	所行清淨大願滿，具足菩薩智慧藏，悉能度脫一切眾，而於群生無所著？
		精進	不捨一切波羅蜜，諸所施為悉不虛，所請眾生皆能度，興隆佛法永不絕？
		禪定	淨眼境界無障礙，具足功德求佛道，人雄所行清淨道，悉為具足分別說？
		般若	滅除一切愚癡闇，降伏眾魔制外道，離垢功德皆成就，得人中尊妙智慧？
		方便	永離眾難惡道苦，清淨智慧皆具足，無量甚深大功德，成就最勝諸道力？
		願	得人中上妙智慧，隨其所應而度之，不可思議諸佛刹，自在無量作佛事？
		力	一切殊勝甚深行，分別人雄功德藏，常能護持最勝法，世間諸難莫能壞？
		智	云何無畏如師子，功德具足如滿月，猶如蓮華不著水，功德清淨如最勝？

華嚴經明法品之菩薩修法及次第之二

法慧菩薩論修法（涅槃十波羅蜜）	讚歎請法		爾時，法慧菩薩告精進慧菩薩言： 善哉！善哉！佛子多所饒益、多所安樂、多所惠利、哀愍世間諸天人故，能問如是菩薩甚深清淨之行。佛子！汝住甚深真實智慧，大精進力，一心修習得不退轉，超出世間，所問自在與如來等。佛子！汝今諦聽，善思念之。我當承佛神力，為汝少說。
	佛十波羅蜜	住十種不放逸	佛子！此菩薩摩訶薩已得發心功德之藏，應離癡闇、精勤守護、滅諸放逸。佛子！菩薩摩訶薩有十種法，得不放逸。何等為十？
			一者、持戒清淨；
			二者、遠離愚癡，淨菩提心；
			三者、捨離諂曲，哀愍眾生；
			四者、勤修善根，得不退轉；
			五者、常樂寂靜，遠離在家、出家一切凡夫；
			六者、心不願樂世間之樂；
			七者、專精修習諸勝善業；
			八者、捨離二乘求菩薩道；
			九者、常習功德心無染污；
			十者、善能分別自知己身。
			佛子！是為菩薩修十種行住不放逸。
	法十波羅蜜	菩薩住不放逸得十種清淨	佛子！菩薩摩訶薩已能住此不放逸法，又復正行十種淨法。何等為十？
			佛子！此菩薩摩訶薩如說修行，
			念智成就，
			捨離調戲諸放逸行，安住甚深微妙善法，
			常樂求法，心無厭足；
			隨所聞法，得真實觀，具足出生巧妙智慧，
			能入佛自在；心常寂定，未曾散亂，
			聞好聞惡，心無憂喜，猶如大地等視眾生；
			上中下類悉如佛想。
			恭敬供養和尚諸師及善知識菩薩法師。
			念念次第，如一切智。
			佛子！是為菩薩十種淨法。
	僧十波羅蜜	令發大精進 佛歡喜	佛子！菩薩摩訶薩如是精勤修習念知，不捨方便，心無所倚修甚深法，入於無諍；無量無邊深妙佛法皆悉了知，令諸如來皆悉歡喜。
			佛子！菩薩摩訶薩行十種法，能令一切諸佛歡喜。何等為十？
			一者、所行精勤而不退轉；
			二者、不惜身命；
			三者、不求利養；
			四者、修一切法猶如虛空；

華嚴經明法品之菩薩修法及次第之三

法慧菩薩論修法（涅槃十波羅蜜）	僧十波羅蜜	令發大精進 佛歡喜	五者、巧方便慧，觀察諸法等同法界；
			六者、分別諸法，心無所倚；
			七者、常發大願；
			八者、成就清淨忍智光明；
			九者、善知一切損益諸法；
			十者、所行法門皆悉清淨。
			佛子！是為菩薩行十種法，能令一切諸佛歡喜。
	精進十波羅蜜	安住諸法 令佛歡喜	佛子！菩薩復安住十法，能令一切諸佛歡喜。何等為十？
			安住不放逸；
			安住無生法忍；
			安住大慈；
			安住大悲；
			安住滿足諸波羅蜜；
			安住菩薩清淨之行；
			安住滿足無量大願；
			安住巧方便；
			安住一切力；
			安住一切法；猶如虛空無所依止。
			佛子！是為菩薩安住十法，能令一切諸佛歡喜。
	禪定十波羅蜜	應依十波羅蜜起相 法令速入諸地	佛子！菩薩摩訶薩行十種法，能速成就一切諸地。何等為十？
			一者、心常樂行諸功德事；
			二者、行大莊嚴諸波羅蜜道；
			三者、智慧明達，不隨他語；
			四者、恒不遠離真善知識；
			五者、常修精進而不退轉；
			六者、善取佛意，受持諸法；
			七者、行諸善根心無憂惑；
			八者、以大乘莊嚴而自莊嚴，明利慧光普照一切；
			九者、安住一切諸地法門；
			十者、同三世佛善根正法。
			佛子！是為菩薩行十種法，能速成就一切諸地。
	般若十波羅蜜	應善觀察	佛子！彼菩薩摩訶薩住諸地已，先應修習巧妙方便。隨其所得諸地法門，隨其所得甚深智慧，隨其行業，隨其依果，隨其境界，隨其自在，隨其示現，隨其分別諸勝法門，得諸勝法門已，悉善分別，於一切法而無所著。所有諸法，皆由心造。菩薩摩訶薩若能如是明了觀察，則能具足一切諸地。
		起善思維	彼菩薩摩訶薩作如是念：我應速成一切諸地，何以故？我於諸地如說行時，逮得無量諸功德藏，得無量功德藏已，漸到佛地，到佛地已，能作佛事。是故，菩薩摩訶薩常勤修習、不捨方便、心無憂惑，得大莊嚴，住菩薩住。

華嚴經明法品之菩薩修法及次第之四

法 慧 菩 薩 論 修 法 （ 涅 槃 十 波 羅 蜜 ）	般若波羅蜜	十種所行清淨	佛子！菩薩摩訶薩復行十法，悉能清淨菩薩諸行。何等為十？一者、悉捨一切，滿眾生意；二者、持戒清淨，無所毀犯；三者、具足忍辱，無有窮盡；四者、勤修方便而不退轉；五者、離癡正念，常定不亂；六者、分別明了一切諸法；七者、具足成滿一切眾行；八者、功德尊重心如山王；九者、為一切眾生作清涼池；十者、令一切眾生同諸佛法。佛子！是為菩薩行十種法，悉能清淨菩薩諸行。
	方便波羅蜜	十種淨行增勝	佛子！菩薩摩訶薩如是修行清淨之行，復得十種轉勝妙法。何等為十？一者、他方諸佛皆悉護念；二者、修習長養超勝善根；三者、安住如來巧密方便；四者、常樂親近依善知識；五者、安住精進修不放逸；六者、分別諸法非總非別；七者、安住具足無上大悲；八者、觀法如實出生智慧；九者、能善修行巧妙方便；十者、一切方便觀如來力。佛子！是為菩薩十種清淨轉勝妙法。
	願波羅蜜	十種清淨願	佛子！菩薩摩訶薩復有十種清淨之願，何等為十？願成就眾生，心無憂惑；願長養善根，嚴淨佛刹；願恭敬供養一切如來；願不惜身命，守護正法；願以種種諸智慧門，悉令眾生生諸佛刹；願諸菩薩入不二法門，入佛法門分別諸法；願令一切所欲見佛，悉得見之；願盡未來際，一切諸劫如須臾頃；願具足普賢菩薩所願；願淨一切種智之門。佛子！是為菩薩摩訶薩十種清淨之願。
	力波羅蜜	十種力用圓滿	佛子！菩薩摩訶薩修行十法，悉能滿足一切諸願，何等為十？一者、生大莊嚴，心無憂惑；二者、轉向勝願念諸菩薩；三者、所聞十方嚴淨佛刹，悉願往生；四者、究竟未來際；五者、究竟成就一切眾生、滿足大願；六者、住一切劫，不覺其久；七者、於一切苦，不以為苦；八者、於一切樂，心無染著；九者、悉善分別無等等解脫；十者、得大涅槃，無有差別。
	智波羅蜜	大願圓滿得十種無盡藏	佛子！是為菩薩摩訶薩悉能滿足一切諸願；菩薩摩訶薩滿諸願已，逮得十種無盡法藏，何等為十？得見諸佛無盡之藏、得陀羅尼無盡之藏、得分別法無盡之藏、得大悲心覆護一切無盡之藏、得諸三昧無盡之藏、得滿眾生意功德無盡之藏、得深智慧解法真實無盡之藏、得出生諸通分別眾寶無盡之藏、得一切諸佛威神守護無盡之藏、得分別無量無邊世界智慧無盡之藏。 佛子！是為菩薩摩訶薩得十種無盡之藏，成就無量無邊功德之藏。具足淨慧，隨其所應而化度之。
法 慧 論 成 就 （ 菩 薩 十 波 羅 蜜 ）	佛十波羅蜜	成就無盡藏與智慧清淨	佛子！云何菩薩摩訶薩隨其所應而化眾生？此菩薩知諸眾生所宜方便；知諸眾生種種因緣；知諸眾生心心所念；知心念已，教對治法： 貪欲多者，教不淨觀； 瞋恚多者，教大慈觀； 愚癡多者，教令分別一切諸法； 三毒等分，教以具足勝智法門； 樂生死者，教三種苦； 著諸有者，教空法門； 懈怠眾生，教行精進； 我慢眾生，教平等觀； 心諂曲者，教菩薩心寂靜非有；

華嚴經明法品之菩薩修法及次第之五

法慧菩薩論成就（菩薩十波羅蜜）	法波羅蜜	說入如來教 法無誤	如是一切諸煩惱患，教以無量對治法門。具足次第演說義味，分別智慧平等觀法，先後無違。演說諸法破壞之性，而於法界無所散滅，斷除疑惑，令悉歡喜；隨其諸根教入真諦，教諸功德入如來海；說真實際，以壞眾相；教等法界開示法藏；教一切依心無所染；教平等念一切諸佛恭敬親近；教柔軟音而無所著；教一切音而無差別；教殊勝法而無倫匹；教具足一切如來平等智身。
	僧十波羅蜜		菩薩如是，常能化度一切眾生，而心寂定未曾散亂。不捨一切諸波羅蜜，具足莊嚴六波羅蜜，普為一切群生類故。
		檀	悉能捨離內外所有，而未曾起慳吝之心，是名清淨檀波羅蜜。
		尸	又復不生持戒相故，於戒無著，是名清淨尸波羅蜜。
		忍	悉能堪忍一切諸苦，聞好聞惡，心無憂喜，未曾傾動猶如大地，是名清淨羼提波羅蜜。
		精進	勇猛精進、方便修習，其心堅固而不退轉，究竟成就佛智慧門，是名清淨毘梨耶波羅蜜。
		禪	捨一切欲，離生喜樂清淨次第，入於正受而無所染；燒滅煩惱，生無量定具大神通；次第超越，入於無量諸三昧門，於一三昧門入無量三昧，悉知一切三昧境界，漸具諸佛智慧之地；是名清淨禪波羅蜜。
		般若	於諸佛所聞法受持，恭敬親近諸善知識，心無疲倦；常樂聞法，無有厭足；所聞諸法，能正觀察，入真實定，捨離一切顛倒邪見；妙善方便，分別了知諸法相海無有自性，修習如來深智慧門；具足一切智慧之力，乘普門慧，能入一切智慧之門；是名清淨般若波羅蜜。
		方便	示現一切世間威儀，教化眾生心無憂感。隨其所應示現其身，一切所行，心無染著。示現童蒙點慧所行；示現生死及解脫門，善能分別諸方便行；示現無量諸莊嚴事，能入一切諸生趣中，解了一切眾生所行；是名清淨方便波羅蜜。
		願	究竟成就一切眾生，究竟嚴淨一切世界，究竟供養一切如來，究竟解達諸法真實而無障礙，究竟修行具足法界，究竟未來劫住如須臾頃，究竟未來劫猶如一念，究竟解達一切成壞，究竟示現一切佛刹，究竟逮得諸佛智慧，是名具足願波羅蜜。
		力	自專正力離眾煩惱，具足清淨能正他力；具足成就無能壞者。大悲力滿足、大慈力平等，悉能覆護一切眾生。陀羅尼力能持一切諸方便義。妙辯才力，令諸眾生皆悉歡喜。諸波羅蜜力莊嚴大乘，弘誓願力未曾斷絕。諸神通力，出生無量具佛神力，覆護一切；是名清淨力波羅蜜。
		智	知貪欲增、知瞋恚增、知愚癡增，又知等分分別學地，於一念中，悉知眾生心心所行，能知眾生諸所希望，能知一切諸法真實，解達諸佛深智慧力，普知一切諸法界門；是名清淨智波羅蜜。
	精進十波羅蜜	諸波羅蜜增勝	佛子！菩薩摩訶薩如是清淨諸波羅蜜，滿足諸波羅蜜，不捨諸波羅蜜，乘大莊嚴悉能度脫所請眾生。教化一切修習善行，悉令一切永離惡道，勤修精進超出眾難。貪欲多者，教離欲觀；瞋恚多者，教平等觀；邪見多者，教因緣觀；欲界眾生，教離欲恚惡不善法；色界眾生，教增上觀；無色界眾生，教細微智慧；樂聲聞緣覺，教寂靜行；樂大乘者，教以十力莊嚴大乘。如初發心時，見有眾生墮諸惡道，大師子吼，我當知其心病，以諸法門而濟度之。菩薩具足如此智慧，皆能度脫一切眾生。

華嚴經明法品之菩薩修法及次第之六

法慧菩薩論成就（菩薩十波羅蜜）	令三寶種永不斷絕（禪定）	令眾發心	佛子！菩薩摩訶薩能如是行者，則能興隆三寶，永使不絕。所以者何？菩薩摩訶薩教化眾生，發菩提心，是故能令佛寶不斷；開示甚深諸妙法藏，是故能令法寶不斷；具足受持威儀教法，是故能令僧寶不斷。	
		稱讚大願	復次，悉能讚歎一切大願，是故能令佛寶不斷；分別解說十二緣起，是故能令法寶不斷；行六和敬，是故能令僧寶不斷。	
		下佛種子	復次，下佛種子於眾生田，生正覺芽，是故能令佛寶不斷；不惜身命護持正法，是故能令法寶不斷；善御大眾，心無憂惱，是故能令僧寶不斷；	
		奉持佛法	去、來、今佛所說正法，不違其教，是故能令三寶不斷；	
		行無過失向一切智	菩薩如是不斷三寶，一切所行無有不善，彼能悉行一切迴向，決定究竟無上菩提。菩薩如是安住清淨身、口、意業已，所說善根教化眾生，種種方便，所言不虛，能令眾生皆得歡喜。彼菩薩摩訶薩諸所施行，乃至無有一念錯謬，如是一切諸深妙行，皆為智慧方便攝持，悉能迴向無上菩提。	
	般若十波羅蜜	一切智門十種莊嚴		如是菩薩安住離癡清白法已，於念念中具足出生十種莊嚴，何等為十？
			佛	色身莊嚴，隨應示現；
			法	語言莊嚴，除眾疑惑，悉令歡喜；
			僧	意行莊嚴，於一念中，入諸正受；
			精進	佛刹莊嚴，滅除一切諸煩惱跡；
			禪定	光明莊嚴，普照十方；
			般若	眷屬莊嚴，能集勝眾，悉令歡喜；
			方便	神力莊嚴，隨其所應，自在示現；
			願	佛教莊嚴，皆能攝取諸點慧者；
			力	涅槃地莊嚴，一處成道悉能充滿示現十方；
			智	持法莊嚴，隨眾隨時隨其器量而為說法。
		成就如是莊嚴功德	菩薩如是於念念中具足出生十種莊嚴已，身、口、意行悉皆清淨，永離愚癡，智慧成就。如此菩薩，若有親近恭敬，隨逐出家聽受法教，隨喜憶念乃至見聞此等眾生必定究竟無上菩提。佛子！譬如阿伽陀藥，眾生見者，眾病悉除；菩薩成就如是無量法藏，眾生見者煩惱諸病皆悉除愈，於白淨法心得自在。	
	方便十波羅蜜	十勤二加種修行	佛子！菩薩摩訶薩若得成就如是方便，安住此法，除滅愚癡。具足智慧故，降伏眾魔；大慈悲心故，制諸外道；具足智慧功德力故，除滅一切心垢煩惱；入金剛定故，具足善根心無憂惑；於先佛所修功德力故，能離一切惡道諸難；清淨智慧悉滿足故，出生菩薩清淨諸地、諸波羅蜜、一切三昧、六通、三明、四無所畏，次第方便智慧力故，淨諸佛刹相好莊嚴；身、口、意淨白淨法力故，得佛十力、四無所畏、十八不共平等佛法；智慧分別速解諸法，一切種智平等正覺諸大願力，如來神力，大智慧力，隨順眾生現諸佛刹；隨應受化，轉大法輪，度脫無量無邊眾生。	

華嚴經明法品之菩薩修法及次第之七

法 慧 菩 薩 論 成 就 （ 菩 薩 十 波 羅 蜜 ）	願 十 波 羅 蜜	佛 波 羅 蜜	護持正法隨類現身	佛子！菩薩摩訶薩如是修行無量法藏，次第具足得如來處；於無量剎修菩薩行，護持正法為大法師，守護攝持如來法藏，成就四辯，於大眾中演暢深法，身相端嚴，說法周備；於四辯才，具足無量巧妙方便，能得無盡諸智慧門，音聲殊妙，演一法言能悅一切，隨宜順導，令得開解，入智慧門。
		法 波 羅 蜜	說 勝 一 妙 切 四 辯	菩薩以如是等無量方便，普為眾生開闡法藏而未曾生懈怠之心；
				於大眾中，而無所畏，一切世間無能壞者；
				具足增上般若波羅蜜，次第分別一切法相而無斷絕。
				勝妙四辯，說一切法，種種譬喻，不可窮盡。
				具足大悲能令一切清涼悅樂。修習大慈，充遍十方。
		僧	說微妙法	處師子座，廣為眾生說微妙法。唯除如來無能過者、無能見頂、無能觀察、無能屈者、無能問難，若能窮其言論之辯，無有是處。
	力 波 羅 蜜	成就功德		佛子！菩薩摩訶薩成就如是勝妙法已，無邊世界滿中大眾，彼一一身，猶如三千大千世界。菩薩摩訶薩處彼眾中，其身殊特，映蔽大會，皆悉不現。以大慈心，普覆一切。甚深智慧，分別彼心。成就無畏，具足辯才，廣為說法，皆令歡喜。
	智 波 羅 蜜	成就三世一切如來智慧		何以故？菩薩摩訶薩成就無量淨智慧故、成就無量巧方便故、成就無量正念力故、成就無盡巧方便故、成就分別諸法陀羅尼故、成就分別諸法深智慧故、成就諸佛威神力故、成就三世諸佛實智慧故、成就三世諸佛清淨巧方便故、成就廣說一切諸佛甚深法藏護持法故、成就三世諸佛勝妙智慧菩薩大願智慧力故。
	法 慧 說 偈 重 宣	十 波 羅 蜜 精 進 法		爾時，法慧菩薩說是漸增功德藏已，欲重宣此義，承佛威神，以偈頌曰：（十偈）
			佛	菩薩住初地，長養功德藏，修習不放逸，慧光照十方。
				菩薩菩提心，守護常不忘，十方諸如來，心皆大歡喜。
			法	勤修行精進，正念力堅固，所行不退轉，不著於世間。
				常樂甚深法，成就無諍定，十方諸最勝，一切皆歡喜。
			僧	諸佛歡喜已，究竟精進度，成就功德藏，無量深智慧。
				一切行清淨，具足於諸地，十方佛本願，皆悉具足滿。
			精進	如是智慧成，得諸深法藏，得是法藏已，隨順於世間。
				成就巧方便，分別眾生心，隨所應教化，而為演說法。
			禪定	已能廣說法，不捨於自行，具足波羅蜜，成就大功德。
				已具波羅蜜，本所請眾生，無量生死海，皆悉究竟度。
			般若	如是常修習，日夜無休懈，興隆佛法僧，永使不斷絕。
				所修無量行，清白悉具足，一切皆究竟，成就最勝地。
			方便	菩薩所修行，真實無虛偽，度脫眾生類，離諸煩惱垢。
				成就如是法，除滅愚癡闇，降伏一切魔，究竟得菩提。

華嚴經明法品之菩薩修法及次第之八

法 慧 菩 薩 論 成 就	說 偈 重 宣	十 波 羅 蜜 法	願	佛子如是行，具足如來智，悉能分別說，諸佛甚深藏。	
				若能如是說，法師中第一，等為諸群生，普雨甘露法。	
			力	無極大慈悲，充滿十方界，悉能分別知，一切眾生心。	
				已了眾生心，及諸餘心行，為彼說深法，無量無有數。	
			智	進止常安諦，猶如大象王，威猛如師子，一切莫能害。	
				不動如須彌，智慧如大海，普雨甘露水，除滅煩惱熱。	
					法慧菩薩說是偈已，如來隨喜，大眾奉行。